



МОНГОЛ УЛС ШАДАР САЙДЫН ТУШААЛ

20 д оны 05 дугаар
сарын 05-ны өдөр

Дугаар 49

Улаанбаатар
хот

Коронавируст халдварт /Ковид-19/ цар тахлын
үед баримтлах түр журам, зөвлөмж тус
тус батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Гамшгаас хамгаалах тухай хуулийн 22 дугаар зүйлийн 22.1 дэх хэсэг, 23 дугаар зүйлийн 23.1 дэх хэсэг, 28 дугаар зүйлийн 28.1.1, 28.1.5 дахь заалт, Коронавируст халдварт /КОВИД-19/-ын цар тахлаас урьдчилан сэргийлэх, тэмцэх, нийгэм эдийн засагт үзүүлэх сөрөг нөлөөллийг бууруулах тухай хуулийн 8 дугаар зүйлийн 8.1.8 дахь заалт, Монгол Улсын Засгийн газрын 2019 оны 201 дүгээр тогтоолыг тус тус үндэслэн ТУШААХ нь:

1. "Коронавируст халдварт /Ковид-19/ цар тахлын үед хүүхэд хамгааллын үйлчилгээ үзүүлэх түр журам"-ыг 1 дүгээр, "Байгууллагын зүгээс /Ковид-19/ цар тахлаас урьдчилан сэргийлэх, тэмцэх хөл хорооны үед ажилтны бэлэн байдал, ар гэрийн аюулгүй байдлыг хангах зөвлөмж"-ийг 2 дугаар хавсралтаар тус тус баталсугай.

2. Түр журмын хэрэгжилтийг ханган, зохион байгуулалтын арга хэмжээ авч ажиллахыг Хөдөлмөр, нийгмийн хамгааллын сайд А.Ариунзаяа, Эрүүл мэндийн сайд С.Энхболд, Боловсрол, шинжлэх ухааны сайд Л.Энх-Амгалан, Хууль зүй, дотоод хэргийн сайд Х.Нямбаатар, аймаг, нийслэлийн Засаг дарга бөгөөд Онцгой комиссын дарга нарт, хэрэгжилтэд хяналт тавьж ажиллахыг Онцгой байдлын ерөнхий газрын дарга (Г.Ариунбуян)-д тус тус үүрэг болгосугай.



Монгол Улсын Шадар сайд

С.АМАРСАЙХАН

0021100165

КОРОНАВИРУСТ ХАЛДВАРТ /КОВИД-19/ ЦАР ТАХЛЫН
ҮЕД ХҮҮХЭД ХАМГААЛЛЫН ҮЙЛЧИЛГЭЭ
ҮЗҮҮЛЭХ ТҮР ЖУРАМ

Нэг. Нийтлэг үндэслэл

1.1. Энэ журмын зорилго нь коронавирус /Ковид-19/-ын цар тахлын үед хүүхдийн язгуур эрхийг эн тэргүүнд хангах, хүүхдэд учрах сөрөг нөлөөллийг бууруулах, эрсдэлт нөхцөлд байгаа хүүхдэд хүүхэд хамгааллын үйлчилгээ үзүүлэх, зохион байгуулахтай холбогдсон харилцааг зохицуулахад оршино.

1.2. Энэ журмыг хэрэгжүүлэхэд Хүүхдийн эрхийн тухай, Хүүхэд хамгааллын тухай, Гамшгаас хамгаалах тухай, Коронавируст халдварт /КОВИД-19/-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай хууль болон Засгийн газрын 2019 оны 201 дүгээр тогтооолоор батлагдсан “Онцгой нөхцөл байдлын үед хүүхдийн эрхийг хамгаалах, тусламж дэмжлэг үзүүлэх журам”-ыг тус тус удирдлага болгоно.

Хоёр. Түр журмын үйлчлэх хүрээ

2.1. Цар тахлын үед хүүхэд хамгааллын үйлчилгээг дараах хүүхдэд үзүүлнэ:

- 2.1.1 Коронавируст халдварт /КОВИД-19/-ын шинжилгээгээр нотлогдсон хүүхэд;
- 2.1.2 Тусгаарлан ажиглах байранд байгаа хүүхэд;
- 2.1.3 Тэргүүн шугамд ажиллаж байгаа ажилтны хүүхэд;
- 2.1.4 Хүчирхийлэлд өртсөн хүүхэд;
- 2.1.5 Хөл хорионд орсон хүүхэд;
- 2.1.6 Эцэг эх, асран хамгаалагч нь хөл хорионд орж, хараа хяналтгүй амьдарч байгаа хүүхэд;
- 2.1.7 Эцэг эх, асран хамгаалагчгүй болсон /өнчирч үлдсэн/ хүүхэд;
- 2.1.8 Тусгай асаргаа шаардлагатай хөгжлийн бэрхшээлтэй хүүхэд;
- 2.1.9 Асрамж, халамжийн газар, дотуур байранд амьдарч байгаа хүүхэд;
- 2.1.10 Цагдан хоригдож буй болон Сургалт хүмүүжлийн тусгай байгууллагад хүмүүжиж байгаа хүүхэд;
- 2.1.11 Отроор нүүдэллэн амьдарч байгаа малчдын хүүхэд;
- 2.1.12 Бусад хүүхэд;

Гурав. Удирдлага, зохион байгуулалт, салбар дундын зохицуулалт

3.1. Цар тахлын үед хүүхдийн амь нас, аюулгүй байдлыг хангах, эрсдэлээс урьдчилан сэргийлэх, хүүхдэд учрах сөрөг нөлөөллийг бууруулах, хүүхэд хамгааллын хариу үйлчилгээг цаг алдалгүй шуурхай үзүүлэх үйл ажиллагааг хүүхэд, гэр булийн хөгжлийн, эрүүл мэндийн, боловсролын асуудал эрхэлсэн төрийн захиргааны төв болон төрийн захиргааны байгууллага нь нутгийн захиргааны байгууллага, цагдаа, шүүхийн шийдвэр гүйцэтгэх, онцгой байдлын асуудал хариуцсан төрийн захиргааны байгууллага, гамшгаас хамгаалах улсын албад, Хүний эрхийн үндэсний комисс, иргэний нийгмийн

байгууллагууд, иргэд, олон нийт, сайн дурын болон олон улсын хүмүүнлэгийн байгууллагуудын оролцоотойгоор хамтран зохион байгуулна.

3.2. Улсын онцгой комисс нь дараах байдлаар энэхүү журмын хэрэгжилтийг дэмжиж ажиллана.

3.2.1 Цар тахлаас урьдчилан сэргийлэх, тэмцэх хариу арга хэмжээний төлөвлөгөөнд хүүхэд хамгааллын хариу үйлчилгээ үзүүлэх үйл ажиллагааг оруулж, байгууллага хоорондын хамтын ажиллагааны уялдаа холбоог сайжруулж, нэгдсэн удирдлага, зохицуулалтаар хангах;

3.2.2 Цар тахлаас урьдчилан сэргийлэх, тэмцэх хариу арга хэмжээг төлөвлөх, хэрэгжүүлэхдээ хүүхэд, гэр булийн хөгжлийн асуудал эрхэлсэн төрийн захиргааны төв байгууллагын дэргэдэх "Хүүхэд хамгааллын салбар дундын бүлэг"-ээс гаргасан дүгнэлт, саналыг харгалzan тусгах;

3.2.3 Бүх нийтийн бэлэн байдлын зэрэг тогтоосон үед аймаг, нийслэл, дүүргийн Хүүхэд хамгааллын мэргэжлийн анги/бүлэг, сум, хорооны Хамтарсан багийн гишүүдэд хүүхэд хамгааллын хариу үйлчилгээг цаг алдалгүй, шуурхай үзүүлэх боломж, нөхцөлийг бүрдүүлж, тээврийн хэрэгслээр зорчих, нэвтрэх эрх олгох, мэдээллийн уялдаа холбоог хангах.

3.3. Онцгой байдлын асуудал эрхэлсэн төрийн захиргааны болон орон нутгийн байгууллага дараах үүрэг хүлээнэ.

3.3.1 Хөл хорио, тусгаарлалтын ажлыг зохион байгуулах, авран хамгаалах үйлчилгээ үзүүлэх, бусад үйлчилгээнд холбон зуучлах ажлыг шуурхай зохион байгуулж, хүүхэд, гэр булийн асуудал эрхэлсэн төрийн захиргааны болон орон нутгийн байгууллагатай мэдээлэл солилцох, мэргэжил арга зүйн дэмжлэг үзүүлэх;

3.3.2 Онцгой байдлын салбарын чиг үүрэг, онцлогтой уялдуулан байгууллагын хүүхэд хамгааллын бодлого баталж, мөрдүүлэх, ажилтан, албан хаагчдыг хүүхдийн эрхэд суурилсан үйлчилгээ үзүүлэх талаар сургаж чадавхжуулах;

3.3.3 Нутаг дэвсгэрийн хэмжээнд хүүхдийн эрх, хамгааллын чиглэлээр үйл ажиллагаа явуулж байгаа төр, төрийн бус байгууллагуудтай хамтран ажиллаж, зорилтот бүлгийн хүүхдийн эрхийг хамгаалах, шаардлагатай тусlamж дэмжлэг үзүүлэх, хүүхэд хамгааллын хариу үйлчилгээг тасралтгүй, хугацаа алдалгүй үзүүлэх зөвшөөрөл олгох;

3.3.4 Цар тахлаас урьдчилан сэргийлэх, тэмцэх үйл ажиллагаанд томилогдон ажиллаж байгаа албан хаагчдын 18 хүртэлх насын хүүхэд болон байнгын асрамжид байдаг хөгжлийн бэрхшээлтэй хүн, 65-аас дээш настай өрхийн гишүүдийн бүртгэл, судалгааг гаргаж, эцэг эх нь ажил мэргэжлийн шаардлагаар урт хугацаагаар тусгаарлагдаж ажиллах шаардлагатай үед хүүхдийг нь харж, асрах 2 хүртэлх хүнийг урьдчилан тодорхойлсон байх;

3.3.5 Ажилтан халдварт авсан, эсвэл хавьтагч болсон үед тусгаарлах, ажиглах, эмчлэх үе шатанд хүүхдийнх нь асран халамжлах хүнтэй холбоо барьж, хүлээлгэн өгөх.

3.4. Хүүхэд, гэр бүлийн хөгжлийн асуудал эрхэлсэн төрийн захиргааны төв байгууллага дараах үүрэг хүлээнэ.

3.4.1 Онцгой байдал, эрүүл мэнд, цагдаа, нийгмийн халамж, боловсролын асуудал эрхэлсэн төрийн захиргааны төв байгууллага, хүүхэд, гэр бүлийн хөгжлийн асуудал эрхэлсэн төрийн захиргааны байгууллага, олон улсын хүмүүнлэгийн болон дотоодын төрийн бус байгууллагын төлөөлөл бүхий "Хүүхэд хамгааллын салбар дундын бүлэг" энэхүү журмын хэрэгжилтийн салбар дундын зохицуулалтыг хангах, хяналт тавих;

3.4.2 Коронавируст халдварт (КОВИД-19) цар тахлын халдварт авсан, эмнэлэгт хэвтсэн, тусгаарлалтад орсон, хөл хорионд өртсэн, эдгэрсэн, тусгаарлалтаас гарсан, кейс менежментийн үйлчилгээнд хамрагдсан, нийгэм-сэтгэлзүйн дэмжлэг авсан хүүхдүүдийн нэгдсэн мэдээлэлд дүн шинжилгээ хийж, бусад салбарт зөвлөмж, чиглэл хургүүлэх;

3.4.3 Салбарын хэмжээнд бүх төрлийн нөөцийн судалгааг гаргаж, шаардлагатай нөөцийг тодорхойлох, хуваарилах, хяналт тавих;

3.4.4 Цар тахлаас урьдчилан сэргийлэх, тэмцэх үйл ажиллагаанд оролцож байгаа ажилтан, албан хаагчдын гэр бүл, хүүхдэд шаардлагатай дэмжлэг үзүүлэх ажлыг зохион байгуулах;

3.4.5 Тусгаарлах байрны аюулгүй байдал, үйлчилгээний дүрэм, журмын хэрэгжилт, хоол хүнсний чанарлаг байдал, эрүүл ахуй, өрөөний тав тух, халуун дулаан байдал, үйлчилгээний чанар, хүүхдийн эрхийг хангах чиглэлээр баримталж буй бодлого, зөвлөмжийн хэрэгжилтэд хяналт тавих, зөрчлийг арилгуулах арга хэмжээг мэргэжлийн байгууллагуудтай хамтран зохион байгуулах;

3.5. Эрүүл мэндийн асуудал эрхэлсэн төрийн захиргааны төв байгууллага дараах үүрэг хүлээнэ.

3.5.1 Эрүүл мэндийн салбарт мөрдөх хүүхэд хамгааллын бодлогыг батлан мөрдүүлж, бүх шатны.. эрүүл мэндийн ажилтныг сургах, хэрэгжилтэд хяналт тавих;

3.5.1.1 хүүхдийг эмнэлэгт хүргэх, тусгаарлах, хөл хорионд оруулах, эмнэлэгт шилжүүлэхдээ уг арга хэмжээний талаар урьдчилж тайлбарлах, мэдээлэл өгөх, сэтгэл зүйн айдас, түгшүүр үүсгэхгүй байх, хүүхдэд хэрэглэх наад захын хэрэгцээт эм, хүүхдийн солих хувцас, аяга халбага, живх, тоглоом, ном, сурах бичгээ гэрээсээ авах боломжоор хангах, тээвэрлэлтийн үеийн аюулгүй байдлыг хангах;

3.5.1.2 хүүхдэд эрүүл мэндийн тусламж үйлчилгээ үзүүлэхдээ хүүхдийн нас, хөгжлийн онцлог, тусгай хэрэгцээ, суурь өвчлөл, өвчиний хүнд, хөнгөнд нийцүүлэн эцэг эх, асран хамгаалагчийнх нь санал, хүүхдээ асрах чадавхад үндэслэн хүүхдэд ээлтэй шийдвэр гаргах, цар тахлын үеийн эмчилгээ, үйлчилгээний горимд /зааварт/ тусгаж мөрдүүлэх;

3.5.1.3 Эцэг эх, асран хамгаалагч нь эмнэлэгт хэвтсэн, тусгаарлагдсан, хөл хорионд орсон хүүхэд гэр бүлээсээ салах, өнчирч үлдэх, бүх төрлийн хүчирхийлэл, дарамтад өртөхөөс урьдчилан сэргийлж, Хүүхдийн тусlamжийн 108 утас, хүүхэд, гэр бүлийн асуудал эрхэлсэн төрийн захиргааны байгууллагад шуурхай мэдээлэх;

3.5.2 Халдварт өвчин судлалын үндэсний төв /ХӨСҮТ/, Эх хүүхдийн эрүүл мэндийн үндэсний төв /ЭХЭМҮТ/-д сэтгэл зүйч, нийгмийн ажилтныг хүүхэд, гэр бүлд нийгэм-сэтгэлзүйн үйлчилгээ үзүүлэх чиглэлээр ажиллуулах, хяналт тавих;

3.5.3 Бүх шатлалын эрүүл мэндийн байгууллагад тусгаарлан ажиглах өрөө бэлтгэх, өвчтөнийг зөөх, тээвэрлэх, шилжүүлэх үед мөрдөх дүрэмд хүүхэд хамгаалах бодлогыг тусгаж, хэрэгжүүлэх;

3.5.4 Хөнгөн хэлбэрээр өвдсөн, ажиглалт тусгаарлалтад байгаа хүүхдэд боловсрол, хөгжлийн үйлчилгээнд тасралтгүй хамрагдах нөхцөлийг бүрдүүлж, өрөө бүрт телевиз байрлуулах, хязгаарлалттай интернетийн орчин бүрдүүлэх;

3.5.5 Тусгаарлах байрны аюулгүй байдал, үйлчилгээний дүрэм, журмын хэрэгжилтэд хяналт тавьж зөрчлийг тухай бүр арилгуулах;

3.5.6. Хавьтал болсон хүүхдийг гэр бүлээс нь тусгаарлах болон гэрийн ажиглалтад байлгах эсэхийг тухайн орон нутгийн Онцгой комиссын шийдвэрээр хэрэгжүүлнэ.

3.6. Боловсролын асуудал эрхэлсэн төрийн захиргааны төв байгууллага дараах үүрэг хүлээнэ.

3.6.1 Боловсролын орчинд мөрдөх хүүхэд хамгааллын бодлогод гамшиг, онцгой байдлын үед хүүхдийг хамгаалах, эрсдэлээс урьдчилан сэргийлэх заалтыг нэмж тусган хэрэгжүүлэх;

3.6.2 Өвчилсөн, тусгаарлагдсан хүүхдийг нийгмийн ялгаварлал, үе тэнгийнхний дарамтад орохоос урьдчилан сэргийлэх, багш, ажилтнуудыг хүний эрхийн талаар сургаж, чадавхжуулах;

3.6.3 Телевизор, гар утас, интернетгүй өрхөд амьдардаг, отроор нүүдэллэн амьдарч байгаа малчин өрхийн хүүхэд, олон хүүхэдтэй өрхийн хүүхдийн боловсрол эзэмших эрхийн хэрэгжилтэд хяналт тавьж, цахим хичээлээ үзэх боломж нөхцөлөөр хангах, шаардлагатай техник, хэрэгслийн дэмжлэг үзүүлэх ажлыг зохион байгуулах;

3.6.4 Эцэг эх, асран хамгаалагч нь тусгаарлалт эсвэл хөл хорионд орсны улмаас хараа хяналтгүй болсон 0-6 хүртэлх насны хүүхдийг 24 цагийн цэцэрлэгт түр байрлуулах ажлыг удирдан зохион байгуулах;

3.6.5 Эцэг эх, асран хамгаалагч нь хүүхдэд хүчирхийлэл үйлддэг, зан үйлийн өөрчлөлттэй гэр бүлд амьдарч байгаа хүүхдийн судалгаа, мэдээллийг тогтмол шинэчилж, анги удирдсан багшаар дамжуулан эрсдэлт нөхцөлд амьдарч буй хүүхэд, хүүхдийн эсрэг хүчирхийллийг илрүүлэх, Хүүхдийн тусlamжийн 108 утас, цагдаагийн 102 утас, сум, хорооны Хамтарсан багт шуурхай мэдээлэх ажлыг салбарын хэмжээнд нэгдсэн удирдлагаар хангаж, зохион байгуулах, хэрэгжилтэд хяналт тавих;

3.7. Хүүхэд, гэр бүлийн хөгжлийн асуудал эрхэлсэн төрийн захиргааны байгууллага нь дараах үүрэг хүлээнэ.

3.7.1 Аймаг, нийслэл, дүүргийн хүүхэд хамгааллын мэргэжлийн анги, бүлэг, хүүхдийн асрамж, халамжийн төв, түр хамгаалах байрууд, Хүүхдийн тусlamжийн 108 утасны үйлчилгээний төвийг мэргэжлийн удирдлага, арга зүй, зохицуулалтаар хангах, тулгамдсан асуудлыг шуурхай шийдвэрлэх;

3.7.2 Хүүхэд, гэр бүлийн салбарт цар тахлын үед учирч байгаа бэрхшээл, хүүхэд тулгамдсан асуудлыг судлан тодорхойлж санал, дүгнэлт боловсруулж "Хүүхэд хамгааллын салбар дундын бүлэг"-т танилцуулах, шийдвэрлүүлэх;

3.7.3 Эрдэлт нөхцөлд амьдарч байгаа хүүхдийн судалгаа, мэдээллийг улсын хэмжээнд аймаг, дүүрэг, сум, баг, хороогоор гаргаж, бүртгэлжуулэх, хяналт тавих;

3.7.4 Өвчилсөн, тусгаарлагдсан, гэрийн тусгаарлалт, ажиглалтад байгаа, хөл хорионд орсон хүүхдийн эрхийн зөрчилд хяналт тавих, аль болох гэр бүлтэй нь хамтад нь байрлуулахад анхаарч ажиллах;

3.7.4.1 Өвчилсөн, тусгаарлагдсан, хөл хорионд орсон хүүхэд гэр бүлээсээ салах, өнчирч үлдэх, бүх төрлийн хүчирхийлэл, дарамтад өртөхөөс урьдчилан сэргийлэх, түр хамгаалах байр, асрамж, халамжийн төвд шилжүүлэх, гэр бүлд нь эргэн нэгтгэх ажлыг удирдан зохион байгуулах;

3.7.4.2 Эцэг эх, асран хамгаалагч нь тусгаарлалт эсвэл хөл хорионд орсны улмаас хараа хяналтгүй болсон 7-18 хүртэлх насын хүүхдийг олон улсын хүүхдийн "Найрамдал" зусландаа түр байрлуулах ажлыг удирдан зохион байгуулах;

3.7.5 Хүүхдийн асрамж, халамжийн төв, Түр хамгаалах байрны нөөцийн судалгааг тогтмол гаргаж, хэвийн үйл ажиллагааг хангахад дэмжлэг үзүүлэх, төвийн ажилтнуудад сэтгэл зүйн зөвлөгөө өгөх;

3.7.6 Хүүхдийн эрх, хамгаалал, сэтгэл зүйн үйлчилгээ үзүүлдэг төрийн бус байгууллагуудын мэдээллийг гаргаж, хүүхэд, гэр бүлд нийгэм-сэтгэл зүйн үйлчилгээг зайнаас үзүүлэх чиглэлээр сургалт хийж, чадавхжуулах, шаардлагатай үед нөөцөд дайчлан хамтран ажиллах;

3.7.7 Цар тахлаас урьдчилан сэргийлэх, тэмцэх үйл ажиллагаанд томилогдон ажиллаж байгаа албан хаагчдын 18 хүртэлх насын хүүхэд болон байнгын асрамжид байдаг хөгжлийн бэрхшээлтэй хүн, 65-аас дээш настай өрхийн гишүүдийн бүртгэл, судалгааг нарийвчлан гаргах, мэдээллийн сан үүсгэх, ар гэрт нь шаардлагатай тусlamж дэмжлэг үзүүлэх;

3.7.8 Хөл хорионд орсон, тусгаарлагдсан, эцэг, эх асран хамгаалагчаасаа тусдаа амьдарч байгаа хүүхэдтэй ажиллах сайн дурын ажилтнуудыг сургаж, бэлтгэх, шаардлагатай үед дайчлан ажиллуулах;

3.7.9 Эрүүл мэндийн байгууллага, эмч, ажилтнуудад хүүхэд хамгааллын бодлого, дүрэм, хүний эрхийн талаар сургалт зохион байгуулах, зөвлөмж өгөх;

3.7.10 Гэр бүлийн хүчирхийлэл, хүүхдийн эсрэг хүчирхийлэлд өртөж хохирсон хүүхдийн мэдээлэл, үзүүлж байгаа үйлчилгээний чанарт хяналт шинжилгээ хийж, мэргэжлийн удирдлагаар хангах;

3.7.11 Иргэд, олон нийт, аж ахуй нэгж байгууллагад зориулсан хүүхэд хамгаалал, хүний эрх, хүүхэд хүмүүжүүлэх эзэрэг аргын талаар зөвлөмж, мэдээлэл боловсруулан түгээх;

3.7.12 Хүүхдээс санал гомдол хүлээн авах, зөвлөгөө мэдээллээр хангах нөхцөл боломжийг нэмэгдүүлэх;

3.8. Хөгжлийн бэрхшээлтэй хүний хөгжлийн ерөнхий газар дараах үүрэг хүлээнэ.

3.8.1 Эцэг эх, асран хамгаалагч нь тусгаарлалт эсвэл хөл хорионд орсоны улмаас хараа хяналтгүй болсон 0-18 хүртэлх насын хөгжлийн бэрхшээлтэй хүүхдийг "Хөгжлийн бэрхшээлтэй хүүхдийн сэргээн засах хөгжлийн төв"-д түр байрлуулж, асран хамгаалах ажлыг удирдан зохион байгуулах;

3.8.1.1 "Хөгжлийн бэрхшээлтэй хүүхдийн сэргээн засах хөгжлийн төв"-д хүүхэд хүлээн авахдаа "хүүхэд хүлээн авах маягт" хөтлөх;

3.8.1.2 Хүүхдийн хэрэгцээт эм, солих хувцас, аяга халбага, ариун цэвэр, ахуйн хэрэглээний зүйлс, живх, тоглоом, уншдаг ном зэргийг гэрээсээ авах боломжоор хангах, найдвартай, дулаан унаагаар тээвэрлэх;

3.8.1.3 Хөгжлийн бэрхшээлтэй З хүүхдийн дунд нэг асрагч томилох;

3.8.1.4 Хүүхэд болон гэр бүлийн гишүүдийнх нь талаар мэдээлэл, бүртгэл хөтлөх, эцэг, эх асран хамгаалагчтай нь тогтмол холбоо харилцаатай байх;

3.8.1.5 Эцэг эх, асран хамгаалагчид хүүхдийг хүлээлгэн өгөхдөө "хүүхэд хүлээлгэн өгөх маягт хөтлөх";

3.8.1.6 Ажилтан, албан хаагчдыг хүүхдийн эрх, хамгааллын чиглэлээр сургаж чадавхжуудах;

3.9 Эрүүл мэндийн асуудал эрхэлсэн орон нутгийн байгууллага дараах үүрэг хүлээнэ.

3.9.1 Эцэг эх, асран хамгаалагч нь болон халдварт авсан хүүхдийг тусгаарлах, эрүүл мэндийн яарайтай тусламж үйлчилгээг үзүүлэхдээ хүүхэд хамгааллын бодлогыг баримтлах;

3.9.2 Гэр бүл, хүүхдийг эмнэлэгт хүргэх, тусгаарлан ажиглах, өөр эмнэлэгт шилжүүлэхдээ уг арга хэмжээний талаар тайлбарлах, мэдээлэл өгч, сэтгэл зүйн айdas, түгшүүр үүсгэхгүй байх;

3.9.3 Өвчилсөн болон тусгаарлалтад байгаа хүүхдийг гэр бүлтэйгээ хамт байх боломжийг бүрдүүлэх;

3.9.4 Тусгай хэрэгцээ шаардлагатай хөгжлийн бэрхшээлтэй хүүхэд, 7 хүртэлх насын хүүхдэд эрүүл мэндийн тусламж, үйлчилгээ үзүүлэхдээ сахиуртай байлагах, шаардлагатай тохиолдолд хэлмэрч томилох;

3.9.5 Хөгжлийн бэрхшээлтэй хүүхэд, 12-оос доош насын хүүхэд эцэг эх, асран хамгаалагчгүйгээр тусгаарлагдвал З хүүхдийн дунд тусгай асрагч томилох;

3.9.6 Хүүхдийг гэрээс тусгаарлахдаа хэрэгцээт эм, солих хувцас, аяга халбага, ариун цэвэр, ахуйн хэрэглээний зүйлс, живх, тоглоом, уншдаг ном зэргийг гэрээсээ авах боломжоор хангах, найдвартай, дулаан унаагаар тээвэрлэх;

3.9.7 Хөнгөн хэлбэрээр өвчилсөн, тусгаарлан ажиглах үйлчилгээнд хамрагдаж байгаа хүүхдэд боловсрол, хөгжлийн үйлчилгээнд тасралтгүй хамрагдах нөхцөлийг бүрдүүлж, өрөө бүрт телевиз байрлуулах, хязгаарлалттай интернетийн орчин бүрдүүлэх;

3.9.8 Хүүхэд болон гэр бүлийн гишүүдийнх нь талаар мэдээлэл, бүртгэл хөтөлж, тусгаарлан ажиглалтын үед мөрдөх горимыг танилцуулж, сэтгэл зүйн анхан шатны тусламж үзүүлэх;

3.9.9 Өвчилсөн, тусгаарлагдсан, гэрийн ажиглалтад байгаа хүүхдийг нийгмийн гадуурхал, үе тэнгийхний дарамт, хүчирхийлэлд өртөхөөс урьдчилан сэргийлж, хувь хүний мэдээллийн нууцлалыг хадгалах;

3.9.10 Өвчилсөн болон тусгаарлагдсан хүүхэд сэтгэл зүйн хувьд тогтвортой болох, хямрах, сэтгэл гутралд орохоос урьдчилан сэргийлэх;

3.9.11 Гэр бүлийн гишүүн өвчиний улмаас нас барах, эцэг эх, асран хамгаалагчийн өвчин хүндэрэх, хүүхдэд гэр бүлийн дэмжлэггүй болсон тохиолдолд хүүхдэд сэтгэл зүйн дэмжлэг үзүүлж, ах дүү хамаатан, садантай нь харилцаа холбоо тогтоох;

3.9.11.1 Эцэг эхийн өвчин хүндэрсэн үед хүүхдэд эцэг эхийнх нь биеийн байдал, эмчилгээний талаар мэдээлж байх, хамаатан садан, ангийн багш, найз нөхөдтэйгөө утас, мессеж, чатаар холбогдох боломж олгох;

3.9.11.2 Эцэг эх, асран хамгаалагч нь өвчиний улмаас нас барсан тохиолдолд ах дүү, хамаатан саданд нь хүлээлгэн өгөх, энэ талаар Хүүхдийн тусlamжийн 108 утас, аймаг, нийслэл, дүүргийн Гэр бүл, хүүхэд, залуучуудын хөгжлийн газарт мэдээлэх;

3.9.11.3 Эцэг эх, асран хамгаалагч нь нас барвал хүүхдэд хэлж тайлбарлаж өгөх, гэр бүлийн бусад гишүүдтэйгээ утсаар ярьж эмнэлгийн орчинд үйлдэж болох зан үйлд оролцуулах;

3.9.11.4 Тусгаарлалтаас гарахад нь авах хүнгүй гэж эцэг эх нь мэдээлсэн бол Хүүхдийн тусlamжийн 108 утас, аймаг, орон нутгийн Гэр бүл, хүүхэд, залуучуудын хөгжлийн газарт шуурхай мэдээлж, холбон зуучлах;

3.9.12 Хүүхдийг эмнэлэг, тусгаарлах байранд хүлээн авахдаа эцэг эх, асран хамгаалах хоёроос дээш хүний мэдээлэл, утасны дугаар, гэрийн хаягийг тэмдэглэж, эмнэлгээс гарахаас хоёр хоногийн өмнө гарах цагийг мэдээлэх;

3.9.13 Эрүүл мэндийн сайдын 2020 оны 247-р тушаалаар батлагдсан "Коронавируст халдварт (Ковид-19)-ын сэжигтэй болон эмнэлзүйн хөнгөн хэлбэр илэрсэн хүнийг гэрээр хянах, эмчлэх түр заавар"-ын дагуу эцэг, эх, асран хамгаалагч нь хөнгөн хэлбэрээр өвдөөд гэртээ байгаа үед халдварт авсан боловч шинж тэмдэг илрээгүй хүүхдээ гэртээ асарч буй үед утсаар мэргэжлийн зөвлөгөө өгч хянана.

3.9.13.1 Үйлчилгээнд хамрагдаж байгаа хүүхдийн сэтгэцийн эрүүл мэндэд анхаарч хүүхдэд сэтгэл зүйн анхан шатны тусlamж үзүүлэх чадварт эмч, сувилагчдыг сургах, шаардлагатай тохиолдолд мэргэжлийн байгууллага, сэтгэл зүйчид холбон зуучлах;

3.9.13.2 Нийгэм-сэтгэл зүйн дэмжлэгийг зайнаас үзүүлэх төрийн бус байгууллагуудтай хамтран ажиллах, байгууллагын мэдээлэл, цахим хаяг, утсыг хүүхэд, эцэг эхэд хүртээмжтэйгээр байрлуулах, холбон зуучлах;

3.9.14 Бага насны болон хөдөлгөөний бэрхшээлтэй хүүхдийн живх, тусгай хоол тэжээл, Ковид-19 халдвараас бусад архаг хууч өвчтэй, хөгжлийн бэрхшээлтэй хүүхдийн эм, тариа, тусгай хэрэгслийг саадгүй нэвтрүүлэх;

3.9.15 Эмчилгээ, тусгаарлалт, ажиглалтад байгаа, эмнэлгээс гарсан хүүхдийн мэдээллийг аймаг, нийслэл, дүүргийн Онцгой комисс, хүүхэд, гэр бүлийн асуудал эрхэлсэн байгууллага, орон нутгийн байгууллагад тогтмол өгч байна.

3.10. Боловсролын асуудал эрхэлсэн орон нутгийн байгууллага дараах үүрэг хүлээнэ.

3.10.1 Эцэг эх, асран хамгаалагч нь хүүхдэд хүчирхийлэл үйлддэг, зан үйлийн өөрчлөлттэй гэр бүлд амьдарч байгаа хүүхдийн судалгаа, мэдээллийг тогтолц шинэчилж, анги удирдсан багшаар дамжуулан хүүхдийн эсрэг хүчирхийллийг илрүүлэх, мэдээлэх;

3.10.2 Боловсролын үйлчилгээ авч чадаггүй, төлөх хичээлээ хийх боломжгүй өрхөд амьдарч байгаа хүүхдийн судалгааг гаргаж, хичээлийн хоцрогдлыг арилгах арга хэмжээг тасралтгүй зохион байгуулах;

3.10.3 Отроор нүүдэллэн амьдарч байгаа өрхийн хүүхдийн судалгааг гаргаж, 7-14 хоногт тогтолц холбогдох, төлөх хичээлээ үзэж байгаа эсэхэд хяналт тавих;

3.10.5 Төлөх хичээл үзэх боломжгүй хүүхдэд сурх бичгээс судлах хичээлийн даалгаврыг бэлтгэж, энгийн зөвлөмж, заавруудыг боловсруулж хүргэх;

3.11. Цагдаагийн байгууллага дараах үүрэг хүлээнэ.

3.11.1 Цагдаагийн байгууллага, алба хаагчийн дагаж мөрдөх хүүхэд хамгааллын бодлогыг батлах, ажилтнуудыг сургах, хэрэгжилтийг хянах;

3.11.2 Тусгаарлалт, хөл хорионы үед хүүхэд эзэнгүйдэх, алдагдах, хүчирхийлэлд өртөхөөс урьдчилан сэргийлэх;

3.11.3 Гэр бүлийн хүчирхийллийн дуудлага гэмт хэргийн шинжтэй, давтан үйлдэгдсэн бол хүчирхийлэгчийг баривчилж хохирогчдыг тэр орондоо аюулгүй байдалд үлдэх боломжоор хангах;

3.11.4 Хүчирхийлэгчийг баривчлах гэмт хэргийн нотолгоо тогтоогдоогүй бол хүчирхийлэлд өртсөн хохирогчийг түр хамгаалалтад авах, аюулгүй байдлыг хангах;

3.11.5 Хөл хорионы дэглэм сахиулахдаа хүүхдийн язгуур эрх ашгийг хөндөхгүй байх, хүүхдэд хор хохирол учруулахгүй байхад анхаарах;

3.12. Хүүхэд, гэр бүлийн хөгжлийн асуудал эрхэлсэн орон нутгийн байгууллага дараах үүрэг хүлээнэ.

3.12.1 Орон нутгийн хэрэгцээ, нөөц боломжид түшиглэн хүүхэд хамгааллын үйлчилгээний зураглал боловсруулж, аймаг, нийслэл, дүүргийн Шуурхай штабд танилцуулах;

3.12.2 Цар тахлын үед үзүүлэх хүүхэд хамгааллын үйлчилгээний төлөвлөлт, хэрэгжилтийг аймаг, дүүргийн Гэр бүл, хүүхэд, залуучуудын хөгжлийн газар/хэлтэс удирдаж, сум, хорооны Хамтарсан багийг мэргэжил арга зүйгээр хангаж ажиллана.

3.12.3 Аймаг, нийслэл, дүүргийн хүүхэд хамгааллын мэргэжлийн анги/бүлэг нь хүүхдийн асрамж, халамжийн төв, түр хамгаалах байр, нэг цэгийн үйлчилгээний төвийг мэргэжлийн удирдлага, арга зүйгээр хангах, тулгамдсан асуудлыг шуурхай шийдвэрлэх;

3.12.4 Харьяа нутаг дэвсгэрийн байгууллагууд энэ журмын хүрээнд хүүхэд хамгааллын бодлого, дурмээ боловсруулахад мэргэжил арга зүйн дэмжлэг үзүүлэх, хамтран ажиллах;

3.12.5 Эрүүл мэндийн байгууллагаас авсан мэдээлэлд үндэслэн эцэг эх, асран хамгаалагч нь эмнэлэгт хэвтсэн, тусгаарлагдсан, хөл хорионд орсон хүүхдэд хүүхэд хамгааллын үйлчилгээг шуурхай төлөвлөн үзүүлэх;

3.12.6 Өвчилсөн, тусгаарлагдсан, хөл хорионд орсон хүүхдэд сэтгэл зүйн зөвлөгөө, үйлчилгээг зайнаас цахимаар, өвчин нь эдгэрч гэртээ гарсны дараа биечлэн уулзаж, зөвлөгөө, үйлчилгээ үзүүлэх;

3.12.7 Хүүхэд гэр бүлээсээ салах, өнчирч үлдэх, бүх төрлийн хүчирхийлэл, дарамтад өртөхөөс урьдчилан сэргийлэх, гэр бүлд дэмжлэг үзүүлэх, Түр хамгаалах байранд хүлээн авах, асрамж, халамжийн төвд шилжүүлэх, гэр бүлд нь эргэн нэгтгэх ажлыг удирдан зохион байгуулах;

3.12.8 Эцэг эх, асран хамгаалагч нь өвчний улмаас нас барсан хүүхдэд хамгааллын үйлчилгээ шуурхай үзүүлж, кейс төлөвлөгөө гарган хэрэгжүүлэх;

3.12.8.1 хүүхдэд сэтгэл зүйн зөвлөгөө өгөх, сэтгэл зүйн хямрал, айdas түгшүүрийг бууруулах;

3.12.8.2 хамаатан садан, ангийн багш, найз нөхөдтэйгөө утсаар ярих боломжоор хангах,

3.12.8.3 ах, дүү хамаатан садны мэдээллийг цуглуулах, уулзалт зохион байгуулах;

3.12.8.4 гэр бүлийн нөхцөл байдлын үнэлгээ хийж, асран хамгаалагчийг тогтоох;

3.12.8.5 эмнэлгээс гарахад нь хүлээн авах, сэтгэл зүйн зөвлөгөө өгөх;

3.12.8.6 долоогоос дээш насны хүүхдийн саналыг харгалзан ах дүү, хамаатан садны асаргаанд эсвэл асран хамгаалагчид, эсвэл асрамж, халамжийн төвд хүлээлгэн өгөх;

3.12.9 Эмнэлэг, тусгаарлах байр, хөл хорионоос гарсан, төөрсөн, хаягдсан, гэрээсээ зугтсан хүүхдийг гэр бүлд нь эргэн нэгтгэх ажлыг зохион байгуулах;

3.12.10 Гэр бүлийн дэмжлэг туслалцаагүй болсон үед хүүхдэд нэн шаардлагатай тусламж, дэмжлэг үзүүлэх; /хувцас, хоол хүнс, эм, эмийн хэрэгсэл, ахуйн болон бусад дэмжлэг, тусламж/

3.12.11 Эмчлэгдэж эдгэрсэн, тусгаарлалт, хөл хорионоос гарсан хүүхдийг гэр бүлд нь эргэн нэгтгэхдээ эцэг эх, гэр бүлийн гишүүдэд зөвлөгөө өгөх, хүүхэд нь халдвартараах эрсдэлгүй гэдгийг ойлгуулж, хүүхдийг асран хамгаалах талаар богино хугацааны зөвлөгөө утсаар өгнө.

3.12.12 Хүүхэд эдгэрч гэртээ гарсны дараа эргэн хяналт тавьж, гэр бүлийн гишүүдийн дэмжлэг, эруул мэнд, боловсрол, хөгжил, сэтгэл зүйн байдалд ажиглалт, тандалт хийж, эрсдэл үүссэн, эрсдэл үүсч болзошгүй тохиолдолд кейс менежментийн төлөвлөгөө боловсруулан гарган хэрэгжүүлэх, хүүхэд хэвийн болсон нөхцөлд хаах;

3.12.13 Эцэг эх нь хүүхдээ тусгаарлалтаас гарахад нь хүлээн авах боломжгүй тохиолдолд хүүхдийг тусгаарлалтаас гаргах, гэр бүлд нь эргэн нэгтгэхдээ хүлээн авсан хүний бүртгэл мэдээллийг авах, хүлээн авсан гарын үсэг зуруулж, баримтжуулна.

3.12.14 Эрсдэлт нөхцөлд амьдарч байгаа хүүхдийн судалгаа, мэдээллийг аймаг, дүүрэг, сум, баг, хороогоор гаргаж, бүртгэлжүүлэх, хяналт тавьж, тулгамдсан асуудлыг тодорхойлж, үйлчилгээг шуурхай хүргэх, Хамтарсан багийг арга зүйгээр хангах;

3.12.14.1 хүүхэд гэртээ байх нь давтан хүчирхийлэлд өртөх эрсдэлтэй гэж үзвэл Ковид-19 цар тахлын халдвартын PCR шинжилгээнд хамруулан, Нэг цэгийн үйлчилгээний төв, Түр хамгаалах байранд байрлуулж, хариу гартал түр тусгаарлах;

3.12.14.2 Хүүхдийн тусламжийн 108 утас, цагдаагийн 102 утсанд ирсэн хүүхдийн эрхийн зөрчил, хүүхдийн эсрэг

хүчирхийллийн дуудлага, мэдээллийг шалгах, аюулын зэргийг тогтоож, эрсдэлийн түвшин дунд болон түүнээс дээш тохиолдолд кейс менежментийн үйлчилгээг төлөвлөн хэрэгжүүлнэ.

3.12.15 Ажилтан, албан хаагч цар тахлаар өвчилсөн нь тогтоогдсон, ажлын байр тусгаарлалтад орсон тохиолдолд ажиллах нарийвчилсан төлөвлөгөө гаргах, тусгаарлах өрөөг ашиглах, шаардлагатай техник хэрэгслийн бэлэн байдлыг хангах;

3.12.16 Дамжин өнгөрөх Түр хамгаалах байрыг халдварт хамгааллын дэглэм сахисан, хүн хоорондын зайлбарих боломжтойгоор бэлтгэх, төвүүдийн ариутгал, халдвартгүйжилтийг тогтмол зохион байгуулах;

3.12.17 Цар тахлын үед ажиллаж байгаа ажилтан, албан хаагчдыг шинжилгээнд хамруулах, сэтгэл зүйн зөвлөгөө өгөх;

3.12.18 Аймаг, нийслэл, дүүргийн Гэр бүл, хүүхэд, залуучуудын хөгжлийн газар нь мэргэжилтнүүдийг стандарт шаардлага хангасан хүн нэг бүрийн хамгаалах хувцас хэрэгсэл, ариутгал, халдвартгүйжүүлэлтийн бодис, ахуйн хэрэглээний бараа материалыар хангах;

3.13. Хүүхдийн асрамж, халамжийн үйлчилгээ үзүүлж байгаа төрийн болон хувийн хэвшлийн байгууллагууд дараах үүрэг хүлээнэ.

3.13.1 Хүүхдийн асрамж, халамжийн төвд амьдарч байгаа хүүхэд, ажилтан /Ковид-19/-ын халдварт авсан тохиолдолд яаралтай тусгаарлах өрөөнд шилжүүлэх, асран хамгаалах тусгай ажилтан томилж ажиллуулах;

3.13.2 Халдварт авч эмнэлэгт хэвтсэн хүүхдийн сэтгэл санааны байдал, эрүүл мэндийн байдалд тогтмол анхаарал тавьж, багш ажилтнууд, наиз нөхөдтэйгээ харилцах боломжийг бурдуулэх, дэмжлэг үзүүлэх;

3.13.3 Байрандаа ариутгал, халдвартгүйжүүлэлт, угаалга, цэвэрлэгээ хийх ажлыг тогтмолжуулах, хүүхдийн эрүүл мэндийг дэмжсэн чанартай хоол хүнсээр үйлчлэх;

3.13.4 Өвдсөн хүүхдэд сэтгэл зүйн дэмжлэг үзүүлэх талаар хүүхдүүдэд нөлөөллийн ажил зохион байгуулах;

3.13.5 Халдварт гарсны улмаас хүүхдүүд сандрах, айх түгших, оргох зэрэг сөрөг нөлөөллийг бууруулах арга хэмжээг тогтмол зохион байгуулах;

3.13.6 Ажилтнуудын ар гэрийн нөхцөл байдалд анхаарч, өвдсөн болон тусгаарлагдсан ажилтны ар гэр, хүүхдэд тулгамдсан асуудлыг шийдвэрлэх;

3.13.7 Хүүхдийн чөлөөт цагийг үр бүтээлтэй өнгөрүүлэх боломж нөхцөлийг бурдуулж, байрандаа хүн хоорондын зайлбарих, гарсаа тогтмол угаах, ариутгах, өрөө тасалгаандаа чийгтэй цэвэрлэгээ хийх, агаарын солилцоо оруулах энгийн дүрэм, журмыг мөрдүүлж хэвших;

3.14. Сургалт, хүмүүжлийн тусгай байгууллага болон насанд хүрээгүй хүүхдийн цагдан хоригдож буй цагдан хорих байрны удирдлага дараах үүрэг гүйцэтгэнэ.

3.14.1 Байгууллагын чиг үүрэг, онцлогт нийцүүлэн Хүүхэд хамгааллын бодлого, дүрмээ боловсруулж, мөрдүүлэх;

3.14.2 Хүүхэд, гэр бүлийн асуудал эрхэлсэн төрийн захиргааны байгууллагатай хамтран хүүхдийн эрх, хамгаалал, хүний эрхийн

чиглэлээр ажилтан, алба хаагчдыг чадавхжуулах сургалт зохион байгуулах;

3.14.3 Сургалт, хүмүүжлийн тусгай байгууллагын ажилтан халдвар авсан нь тогтоогдсон, өвчилсөн төхиолдолд авах хариу арга хэмжээний төлөвлөгөө гаргаж, бүх ажилтан алба хаагчдыг сургаж чадавхжуулах;

3.14.4 Хэрвээ хүүхэд халдвар авсан нь тогтоогдвол ар гэрт нь шуурхай мэдээлэл хүргэх, бусад хүүхдээс яаралтай тусгаарлах, асран хамгаалах тусгай ажилтан томилж ажиллуулах;

3.14.5 Халдвар авсан хүүхдийн эрүүл мэнд, сэтгэл санааны байдалд тогтмол анхаарал тавьж, эцэг эх, найз нөхөдтэйгөө харилцах боломжийг бүрдүүлэх, сэтгэл санааны дэмжлэг үзүүлэх;

3.14.6 Байрандаа ариутгал, халдвартгүйжүүлэлт, угаалга, цэвэрлэгээ хийх ажлыг тогтмолжуулах, бусад хүүхдийн эрүүл мэндийг дэмжсэн чанартай хоол хүнсээр үйлчлэх;

3.14.7 Хүүхдийн чөлеөт цагийг үр бүтээлтэй өнгөрүүлэх боломж нөхцөлийг бүрдүүлж, байрандаа хүн хоорондын зай барих, гарсаа тогтмол угаах, ариутгах, өрөө тасалгаандаа чийгтэй цэвэрлэгээ хийх, агаарын солилцоо оруулах энгийн дүрэм, журмыг мөрдүүлж хэвших;

3.15 Нутгийн захиргааны байгууллага дараах үүрэг хүлээнэ.

3.15.1 Орон нутгийн Засаг дарга хүүхэд хамгааллын мэргэжлийн ангийг удирдлага, зохицуулалтаар хангах;

3.15.2 Хүүхэд, гэр бүлийн асуудал эрхэлсэн орон нутгийн байгууллага, Хамтарсан багийг ажиллах нөхцөл боломжоор хангаж, хүүхэд хамгааллын үйлчилгээг цаг алдалгүй, шуурхай үзүүлэх ажлыг зохион байгуулах, хяналт тавих;

3.15.3 Цар тахлын халдвар илэрсэн өрх, иргэдийн хувийн мэдээллийг нууцалж, байршлыг онцлон заалгүй нийтийн эзэмшлийн бүсэд анхааруулга байрлуулах, дотоод орчны ариутгал, халдвартгүйжилтийг хийлгэх;

3.15.4 Бүх нийтийн бэлэн байдлын зэрэгт шилжсэн, тэг зогсолт хийсэн нөхцөлд хүүхдийн эсрэг хүчирхийллийг илрүүлэх, тандалт хийх, мэдээлэл хүлээн авах сувгийг орон нутагтаа нэмэгдүүлэх, төрийн бус байгууллагууд, хэсгийн ахлагч, сайн дурын ажилтныг дайчлах ажлыг төлөвлөн зохион байгуулах;

3.15.5 Гэрийн ажиглалт, тусгаарлалтад байгаа иргэд өөрсдөө хүсэлт гаргавал ус, түлээ, эм, хүнс, ариун цэврийн бүтээгдэхүүн худалдан авах, хүргэх ажилд хэсгийн ахлагч, сайн дурынхныг дайчлах;

3.15.6 Орон нутгийн иргэдийн дундаас үүссэн сайн дурын үүсгэл санаачилгыг дэмжиж зорилтот бүлгийн хүүхэд, гэр бүлд туслах ажлыг зохион байгуулалт, зохицуулалтад оруулж, мэргэжлийн удирдлага, сургалт, арга зүйгээр хангах, шаардлагатай төсвийг шийдвэрлэх;

3.16 Иргэний нийгмийн байгууллага, сайн дурын ажилтны оролцоо

3.16.1 Хүүхэд хамгааллын салбар дундын бүлэг, хүүхэд хамгааллын мэргэжлийн анги/бүлэгтэй хамтран ажиллах, мэдээлэл, туршлагагаа хуваалцах, эрсдэлт нөхцөлд амьдарч байгаа хүүхдэд хяналт тавих, холбон зуучлах үйлчилгээ үзүүлэх;

3.16.2 Зорилтот бүлгийн хүүхдэд анхны тусlamж, сэтгэл зүйн дэмжлэг үзүүлэх ажлыг зайнаас зохион байгуулах;

3.16.3 Эцэг эх, асран хамгаалагчаасаа тусгаарлагдсан хүүхдэд хүмүүнлэгийн тусламж үзүүлэх;

3.16.4 Тусгаарлагдсан хүүхдүүдийг гэр бүлд нь эргэн нэгтгэх, холбон зуучлах үйл ажиллагааг зохион байгуулах;

3.16.5 Гэр бүлийн хүчирхийлэлд өртсөн болон өвчний халдвараас айж сэтгэл санааны хямралд орсон хүүхдэд нийгэм-сэтгэлзүйн анхан шатны зөвлөгөөг утсаар болон чатбоксоор өгөх;

3.16.6 Хүүхэд эсвэл гэр бүлийн гишүүн өвчний халдвар авсан, тусгаарлагдсан, эмнэлэгт хэвтэж эмчлүүлж байгаа үед сайн дурын ажилтнууд дараах дэмжих үйлчилгээнүүдэд оролцож болно.

- Эцэг эх, асран хамгаалагчийнх нь өвчин хүндэрч сэхээн амьдруулах тасагт шилжсэн үед халдвар аваагүй нь тогтоогдсон ч ажиглалтад байгаа бага насны хүүхэд, хөгжлийн бэрхшээлтэй хүүхэдтэй хамт тусгаарлагдаж тухайн хүүхдийг асрах;
- Эцэг эх нь хөл хорио, тусгаарлалтад орсны улмаас харах хүнгүй болсон хүүхдийг асрамжлах хүнд хүргэж өгөх;
- Гэртээ хөл хорионд орж тусгаарлагдаж байгаа гэр бүлийн захиалгаар хүнс худалдан авч гэрийнх нь үүдэнд хүргэх;
- Хөл хорионы улмаас хүнсний дутагдалд орсон хүүхдүүдэд хүнс, ариун цэврийн бараа хүргэж өгөх.

3.17 Аж ахуйн нэгж, байгууллагын үүрэг, оролцоо

3.17.1 Салбар бүр байгууллагын үйл ажиллагааны чиглэл, онцлогт нийцүүлэн хүүхэд хамгааллын бодлого, дүрмээ боловсруулан мөрдүүлэх;

3.17.2 Ковид-19 цар тахлаас урьдчилан сэргийлэх хариу арга хэмжээний төлөвлөгөөг байгууллагын бүх ажилтанд танилцуулж, хэрэгжүүлэх;

3.17.3 Хөгжлийн бэрхшээлтэй иргэнтэй, байнгын асаргаа сувилгаа шаардлагатай 65-аас дээш насны ахмад настантай, 12-оос доош насны хүүхэдтэй ажилтныг зайнаас цахимаар эсвэл богиносгосон цагаар ажиллах боломж нөхцөлөөр хангах, шенийн зэлжийн ажилд хуваарилахгүй байх;

3.17.4 Ажилтнуудыг хүүхдийн эрх, хамгаалал, хүний эрхийн талаар сургаж чадавхуулах ажлыг хүүхэд, гэр бүлийн асуудал эрхэлсэн төрийн байгууллагатай хамтран зохион байгуулах;

3.17.5 Байгууллагын "Эцэг эхийн зөвлөл" нь хүний неөцийн асуудал хариуцсан ажилтантай хамтран ажилтан, албан хаагчдын гэр бүлийн судалгаа, хүүхдийн судалгааг нарийвчлан гаргаж, мэдээллийн сан үүсгэх;

3.17.5.1 Байгууллагын "Эцэг, эхийн зөвлөл" өрх толгойлж амьдардаг, хөгжлийн бэрхшээлтэй байнгын асаргаатай өрхийн гишүүнтэй, бага насны 2-оос дээш хүүхэдтэй өрхөд тулгамдаж байгаа асуудлыг тухай бүр судалж, шаардлагатай тусламж дэмжлэгт хамруулах, холбон зуучлах;

3.17.5.2 Байгууллагын ажилтныг урт хугацаагаар томилон ажиллуулахад 18 хүртэлх насны хүүхдийг харж асрах 2 хүний бүртгэл мэдээллийг гаргах;

3.17.5.3 Гэр бүлдээ хүчирхийлэл үйлддэг, хүчирхийлэл үйлдэж болзошгүй зан үйлийн өөрчлөлттэй ажилтныг нийгэмшүүлэх, дэмжлэг үзүүлэх хөтөлбөр хэрэгжүүлэх, мэргэжлийн байгууллагатай хамтран ажиллах;

3.16.3 Эцэг эх, асран хамгаалагчаасаа тусгаарлагдсан хүүхдэд хүмүүнлэгийн тусламж үзүүлэх;

3.16.4 Тусгаарлагдсан хүүхдүүдийг гэр бүлд нь эргэн нэгтгэх, холбон зуучлах үйл ажиллагааг зохион байгуулах;

3.16.5 Гэр бүлийн хүчирхийлэлд өртсөн болон өвчний халдвараас аиж сэтгэл санааны хямралд орсон хүүхдэд нийгэм-сэтгэлзүйн анхан шатны зөвлөгөөг утсаар болон чатбоксоор өгөх;

3.16.6 Хүүхэд эсвэл гэр бүлийн гишүүн өвчний халдварт авсан, тусгаарлагдсан, эмнэлэгт хэвтэж эмчлүүлж байгаа үед сайн дурын ажилтнууд дараах дэмжих үйлчилгээнүүдэд оролцож болно.

- Эцэг эх, асран хамгаалагчийнх нь өвчин хүндэрч сэхээн амьдруулах тасагт шилжсэн үед халдварт аваагүй нь тогтоогдсон ч ажиглалтад байгаа бага насын хүүхэд, хөгжлийн бэрхшээлтэй хүүхэдтэй хамт тусгаарлагдаж тухайн хүүхдийг асрах;
- Эцэг эх нь хөл хорио, тусгаарлалтад орсны улмаас харах хүнгүй болсон хүүхдийг асрамжлах хүнд хүргэж өгөх;
- Гэртээ хөл хорионд орж тусгаарлагдаж байгаа гэр бүлийн захиалгаар хүнс худалдан авч гэрийнх нь үүдэнд хүргэх;
- Хөл хорионы улмаас хүнсний дутагдалд орсон хүүхдүүдэд хүнс, ариун цэврийн бараа хүргэж өгөх.

3.17 Аж ахуйн нэгж, байгууллагын үүрэг, оролцоо

3.17.1 Салбар бүр байгууллагын үйл ажиллагааны чиглэл, онцлогт нийцүүлэн хүүхэд хамгааллын бодлого, дүрмээ боловсруулан мөрдүүлэх;

3.17.2 Ковид-19 цар тахлаас урьдчилан сэргийлэх хариу арга хэмжээний төлөвлөгөөг байгууллагын бүх ажилтанд танилцуулж, хэрэгжүүлэх;

3.17.3 Хөгжлийн бэрхшээлтэй иргэнтэй, байнгын асаргаа сувилгаа шаардлагатай 65-аас дээш насын ахмад настантай, 12-оос доош насын хүүхэдтэй ажилтныг зайнаас цахимаар эсвэл богиносгосон цагаар ажиллах боломж нөхцөлөөр хангах, шенийн эзлжийн ажилд хуваарилахгүй байх;

3.17.4 Ажилтнуудыг хүүхдийн эрх, хамгаалал, хүний эрхийн талаар сургаж чадавхжуулах ажлыг хүүхэд, гэр бүлийн асуудал эрхэлсэн төрийн байгууллагатай хамтран зохион байгуулах;

3.17.5 Байгууллагын "Эцэг эхийн зөвлөл" нь хүний нөөцийн асуудал хариуцсан ажилтантай хамтран ажилтан, албан хаагчдын гэр бүлийн судалгаа, хүүхдийн судалгааг нарийвчлан гаргаж, мэдээллийн сан үүсгэх;

3.17.5.1 Байгууллагын "Эцэг, эхийн зөвлөл" өрх толгойлж амьдардаг, хөгжлийн бэрхшээлтэй байнгын асаргаатай өрхийн гишүүнтэй, бага насын 2-оос дээш хүүхэдтэй өрхөд тулгамдаж байгаа асуудлыг тухай бүр судалж, шаардлагатай тусламж дэмжлэгт хамруулах, холбон зуучлах;

3.17.5.2 Байгууллагын ажилтныг урт хугацаагаар томилон ажиллуулахад 18 хүртэлх насын хүүхдийг харж асрах 2 хүний бүртгэл мэдээллийг гаргах;

3.17.5.3 Гэр бүлдээ хүчирхийлэл үйлддэг, хүчирхийлэл үйлдэж болзошгүй зан үйлийн өөрчлөлттэй ажилтныг нийгэмшүүлэх, дэмжлэг үзүүлэх хөтөлбөр хэрэгжүүлэх, мэргэжлийн байгууллагатай хамтран ажиллах;

3.17.5.4 /Ковид-19/-ын халдвар авч өвдсөн болон эдгэрсэн ажилтан ажилдаа буцан орох хугацаа, ажлын ачааллыг зөв зохион байгуулах;

3.17.6 Урт хугацааны хорио цээрийн улмаас ажилтан ажлын байргүй болох, өрхийн орлого тасалдах, хүүхдээ хоол хүнсээр хангах чадамжгүй болсон тохиолдолд нэг удаагийн дэмжлэг тусlamжийг байгууллагаас үзүүлэх;

Дөрөв. Бусад үйлчилгээ

4.1. Цар тахлын халдварын тархалт буурч, энгийн горимд шилжсэний дараа хүүхдийн хөгжил, эрүүл мэнд, бие бялдрыг хөгжүүлэх, хүүхэд хамгааллын урьдчилан сэргийлэх үйлчилгээг төлөвлөн хэрэгжүүлэх;

4.2 Гэртээ хүүхдийн аюулгүй байдлыг сахих, чөлөөт цагаа хамтдаа өнгөрүүлэх, хүүхэд хүмүүжүүлэх зэрэг аргын талаар эцэг, эх асран хамгаалагч нарт зориулсан зөвлөмж, арга зүй боловсруулан телевиз, олон нийтийн сүлжээгээр өргөнөөр сурталчлах;

---оОо---

Монгол улсын Шадар сайдын 2021 оны
25 дугаар сарын 22 өдрийн 44 дугаар
тушаалын хоёрдугаар хавсралт

Байгууллагын зүгээс /КОВИД-19/ цар тахлаас урьдчилан
сэргийлэх, тэмцэх хөл хорионы үед ажилтны бэлэн
байдал, ар гэрийн аюулгүй байдлыг
хангах зөвлөмж

Ажилтан, албан хаагчдын хүүхдийг гамшигийн эрсдэлээс урьдчилан сэргийлэх зорилгоор дараах арга хэмжээг төлөвлөн хэрэгжүүлнэ.

1. Байгууллагын хүний нөөц хариуцсан ажилтан нь ажилтан, албан хаагчдын 18-аас доош насны хүүхдийн бүртгэлийг өгөгдсөн загварын дагуу бөглүүлж, мэдээллийн баазтай болох. (Бүртгэлийн загварыг Хавсралт 1-ээс үзнэ үү.)
2. Бүртгэлд эцэг эх нь ажил мэргэжлийн шаардлагаар 24 цагаас дээш хугацаагаар тусгаарлагдаж ажиллах шаардлагатай үед хүүхдийг нь харж хандах 2 хүнийг урьдчилан тодорхойлсон байх. Нэг хүн нь гэр бүлийн гишүүн бол 2 дахь хүн нь нэг гэр бүлд хамт амьдардаггүй хүн байх;
3. Гамшигийн бэлэн байдлын үед хүүхдээ болзошгүй эрсдэлээс хамгаалах арга хэмжээний жагсаалтыг (Хавсралт 2) ажилтан бүрт таниулж, бөглүүлж, гарын үсгээр баталгаажуулах;
4. Ажилтнууд гэрийн хаяг, холбогдох утсаа өөрчилсөн, хүүхдийг асарч харж хандана гэж бүртгүүлсэн хүмүүсийн хаяг, утас өөрчлөгдсөн бол тухай бүрд нь хүний нөөцдөө мэдэгдэж шинэчлэл хийлгэж байх;
5. Хүүхэд хамгааллын ажилтнууд болон Хамтарсан багийн гишүүдийн аюулгүй байдал, ажиллах нөхцөлийг хангах үйл ажиллагааны хүрээнд эрсдлийн үнэлгээ хийж, холбогдох ажилтанд дэмжлэг үзүүлэх (Эрсдэлийн үнэлгээ хийх зааврыг Хавсралт 3-аас үзнэ үү).

Хавсралт 1. Цар тахлын үед ажилтны хүүхэд, гэр бүлийн аюулгүй байдлыг хангах бүртгэл судалгаа

1. Ажилтны овог нэр.....2.
Утас:.....
2. Тасаг, нэгжийн нэр.....4. Албан тушаал.....
1. Гэрийн хаяг.....
2. Ам бүлийн тоо.....
3. Гэр бүлийн холбоо барих хүний нэр
4. Холбоо барих утас.....
Таны хувьд хэн болох (тохирох хариултыг дугуйлна уу): нөхөр, эхнэр, хамтран амьдрагч, аав, ээж, ах, эгч, эмээ, өвөө, насанд хүрсэн хүүхэд, гэр бүлийн найз
5. Та хэдэн хүүхэдтэй вэ?:.....Үүнээс:
0-1 настай: 1-2 настай..... 2-6 настай 6-12 настай..... 12-17 настай
6. Тусгай асаргаа шаардлагатай хүүхэд байгаа юу? Тийм Үгүй
Тийм бол ямар хэрэгцээтэй вэ? Хөхүүл Хөгжлийн бэрхшээлтэй Хөгжлийн бэрхшээлийн хэлбэр.....
7. Та 12-оос доош настай хүүхдээ ажилдаа явахдаа хэнээр харуулдаг вэ?
Тохирох хариултыг сонгоно уу.
 Аав/ээж нь хардаг
 12-оос дээш настай ах, эгч нь хардаг
 Эмээ, өвөө нь хардаг
 Садан төрлийн хүнээр харуулдаг
 Хүүхэд асрагч хөлсөлдөг
 Айлд орхидог
 Гэртээ үлдээдэг
 Бусад:
8. Та 24 цагаас дээш хугацаагаар гэртээ харихгүй бол хүүхдийг чинь асарч халамжлах 2 хүний нэр, утсыг бичнэ уу. Хэрвээ аль нэг хүн нь холбогдохгүй юм уу, хүүхэд харах боломжгүй бол дараагийн хүнтэй нь холбогдоно.

A. 1-р хүний нэр.....
утас.....
Тантай ямар холбоотой болох.....

B. 2-р хүний нэр.....
утас.....
Тантай ямар холбоотой болох.....

Хавсралт 2. Гамшигийн бэлэн байдлын үед хүүхдээ болзошгүй эрсдэлээс хамгаалах арга хэмжээний жагсаалт

Цар тахлын үед ажилтнууд ажил үүргийн дагуу эсвэл халдварт авсан, хавьтал болсонтой холбоотой гэнэт дайчлагдах, тусгаарлагдах үед хүүхдийнхээ аюулгүй байдалд анхаарч, болзошгүй эрсдэлээс хамгаалах дараах урьдчилан сэргийлэх арга хэмжээг авсан байх шаардлагатай. Үүнд:

1. 12-оос доош настай хүүхдээ гэртээ хүнтэй үлдээх зохицуулалт хийсэн
 - 24 цагаас дээш хугацаагаар тусгаарлагдах болбол хүүхдийг харж хандах 1-р хүний утсыг ажил олгогчид өгсөн.
 - 1-р хүн боломжгүй бол холбогдох 2-р хүний утсыг ажил олгогчид өгсөн.
2. 12-17 настай хүүхэд, хөгжлийн бэрхшээлтэй, өндөр настай хүмүүсээ гэртээ бие даан үлдэх үед дараах зүйлсийг бэлтгэх. Үүнд:
 - З хоногийн хүнсний нөөц
 - З хоногийн түлээний нөөц
 - З хоногийн усны нөөц
 - Утсаар ярих, холбоо барих суурин утас, гар утасны нэгж
 - Гал түймэр, угаартах зэрэг ахуйн ослоос урьдчилан сэргийлэх талаар мэдлэгтэй болгосон
 - Банкны карт, мобайл банкны нууц үгийг өгсөн
 - Ойролцоо дэлгүүрээс хүүхэд зээлээр бараа авч болох зохицуулалт хийсэн
 - Гэрт үлдсэн хүмүүст насанд хүрсэн хүний зөвлөмж, дэмжлэг хэрэгтэй болох үед холбогдох хүний нэр, утсыг хүүхдэдээ өгсөн
 - Яаралтай түргэн тусламж 103, гол түймэр 101, хүүхэд хамгаалал 108, цагдаагийн 102 утас, сум, хорооны нийгмийн ажилтны дугааруудыг хүүхдэдээ хэлж өгсөн
 - Өөрийнхөө утасны дугаарыг хүүхдэдээ цээжлүүлсэн байх

Ажлын байран дээр бүрдүүлэх бэлэн байдлын багц:

Эмэгтэй ажилтан:

1. Ус (нэг хоногийн хэрэглээний 4 литр уух болон эрүүл ахуйн хэрэгцээнд, эсвэл 2 литрийг зөвхөн уух хэрэгцээнд)
2. Хүнс (хамгийн багадаа 3 хоногийн хүнсний нөөцийг амархан мууддаггүй жигнэмэг, илчлэг өндөр жигнэмэг, лаазалсан гэх мэт бүтээгдэхүүнээр бүрдүүлэх), лааз онгойлгогч, өөрийн аяга, таваг, халбага, сэрээ
3. Хувийн ариун цэврийн хэрэгсэл, үүнд шүдний оо, сойз, гарын болон ванны алчуур, шампунь, бие угаагч, ариун цэврийн цаас
4. Эмэгтэйчүүдийн ариун цэврийн хэрэгсэл
5. Маск, гар ариутгагч, бактер устгагчтай ариун алчуур
6. Хэрвээ хэрэглэдэг бол жороор олгодог эм үүнд чихрийн шижин, цусны даралтын эм гэх мэт
7. Хэрвээ хэрэглэдэг бол жоргүй олгогддог эм, үүнд өвчин намдаагч, суулгалтын эсрэг гэх мэт
8. Нөөц нүдний шил, нүдний линз
9. Гар утас, цэнэглэгч
- 10.Интернетийн эрх, дата эрх
- 11.Бичиг баримтын хуулбар, гэр бүлийн хүмүүсийн холбогдох мэдээлэл
- 12.Унлагын уут эсвэл аяллын хөнжил
- 13.Улирал цаг уурт тохируулан бүх төрлийн гадуур, дотуур солих хувцас

- 14.Үзэг, бал, цаас, тэмдэглэлийн дэвтэр
- 15.Ном, өөрийн дуртай тоглоом

Эрэгтэй ажилтан

1. Ус (4 литр уух болон эрүүл ахуйн хэрэгцээнд, 2 литр зөвхөн уух хэрэгцээнд)
2. Хүнс (хамгийн багадаа 3 хоногийн хүнсний нөөцийг амархан мууддаггүй, жигнэмэг, илчлэг өндөр жигнэмэг, лаазалсан бүтээгдэхүүнээр бүрдүүлэх), лааз онгойлгогч, өөрийн аяга, таваг, халбага, сэрээ
3. Хувийн ариун цэврийн хэрэгсэл, үүнд шүдний оо, сойз, гарын болон ванны алчуур, шампунь, бие угаагч, ариун цэврийн цаас
4. Mask, гар ариутгагч, бактер устгагчтай ариун алчуур
5. Хэрвээ хэрэглэдэг бол жороор олгодог эм үүнд чихрийн шижин, цусны даралтын эм гэх мэт
6. Хэрвээ хэрэглэдэг бол жоргүй олгогддог эм, үүнд өвчин намдаагч, суулгалтын эсрэг гэх мэт
7. Нөөц нүдний шил, нүдний линз
8. Гар утас, цэнэглэгч
9. Интернетийн эрх, дата эрх
- 10.Бичиг баримтын хуулбар, гэр бүлийн хүмүүсийн холбогдох мэдээлэл
- 11.Унлагын уут эсвэл аяны хөнжил
- 12.Улирал цаг уурт тохируулан бүх төрлийн гадуур, дотуур солих хувцас
- 13.Үзэг, бал, цаас, тэмдэглэлийн дэвтэр
- 14.Ном, өөрийн дуртай тоглоом

Гэртээ үлдсэн болон тусгаарлагдах үед хүүхдэд бүрдүүлэх бэлэн байдлын багц:

Хоёр хүртэлх насын хүүхдийн бэлэн байдлын багц:

1. Ус
2. Хүнс (хамгийн багадаа 3 хоногийн хүнсний нөөцийг амархан мууддаггүй, жигнэмэг, илчлэг өндөр жигнэмэг, лаазалсан бүтээгдэхүүнээр бүрдүүлэх)
3. Хүүхдийн өөрийн аяга, таваг, халбага, сэрээ
4. Хүүхдийн сүүн тэжээл, лаазалсан нунтаг тэжээл, угж
5. Хувийн ариун цэврийн хэрэгсэл, шүдний оо, сойз, ариун цэврийн цаас
6. Хүүхдийн памперс, нойтон салфетк, хогны уут, нийлэг уяа (хэрэглэсэн памперсийг хаяхад хэрэглэнэ)
7. Mask, гар ариутгагч, саван
8. Дулаан хөнжил, ор хөнжлийн даавуу
9. Улирал цаг уурт тохируулан бүх төрлийн гадуур, дотуур солих хувцас
- 10.Хүүхдийн нэр, эцэг эхийн нэр, хаяг, холбоо барих утас бүхий мэдээлэл
11. Бал, харандаа, цаас
12. Зурагтай ном
13. Хүүхдийн дуртай тоглоом

3-6 насын хүүхдийн бэлэн байдлын багц:

1. Ус
2. Хүнс (хамгийн багадаа 3 хоногийн хүнсний нөөцийг амархан мууддаггүй, жигнэмэг, илчлэг өндөр жигнэмэг, лаазалсан бүтээгдэхүүнээр бүрдүүлэх)
3. Хүүхдийн өөрийн аяга, таваг, халбага, сэрээ
4. Хувийн ариун цэврийн хэрэгсэл, шүдний оо, сойз, ариун цэврийн цаас
5. Mask, гар ариутгагч, саван
6. Аяны хөнжил
7. Улирал цаг уурт тохируулан бүх төрлийн гадуур, дотуур солих хувцас
8. Хүүхдийн нэр, эцэг эхийн нэр, хаяг, холбоо барих утас бүхий мэдээлэл

9. Бал, харандаа, цаас
10. Зурагтай ном
11. Хүүхдийн дуртай тоглоом

7-оос дээш насны хүүхдийн бэлэн байдлын багц:

1. Ус
2. Хүнс (хамгийн багадаа 3 хоногийн хүнсний нөөцийг амархан мууддаггүй, жигнэмэг, илчлэг өндөр жигнэмэг, лаазалсан бүтээгдэхүүнээр бүрдүүлэх)
3. Хүүхдийн өөрийн аяга, таваг, халбага, сэрээ
4. Хувийн ариун цэврийн хэрэгсэл, шүдний оо, сойз, ариун цэврийн цаас
5. Mask, гар ариутгагч, саван
6. Аяны хөнжил
7. Улирал цаг уурт тохируулан бүх төрлийн гадуур, дотуур солих хувцас
8. Гар утас, цэнэглэгч
9. Интернетийн эрх, дата эрх
10. Бал, харандаа, цаас, тэмдэглэлийн дэвтэр
11. Ном
12. Хүүхдийн дуртай тоглоом

Хавсралт 3.Хүүхэд хамгааллын ажилтнууд болон Хамтарсан багийн гишүүдийн аюулгүй байдал, ажиллах нөхцөлийг хангах заавар

Цар тахлын халдварт авах эрсдэлтэй байлаа ч зарим нэг хүүхдэд зайлшгүй хүрч очиж үйлчлэхгүй бол тухайн хүүхэд маш ноцтой хохиролд орох өндөр магадлалтай үед ажилтны КОВИД-19 халдварт авах, хавьтагч болох эрсдэлийг бууруулахын тулд энэхүү зааврыг мөрдөнө.

Халдвараас хамгаалах зөв арга хэмжээг авахын тулд юуны өмнө энэ чиглэлээр эрсдэлийн үнэлгээ хийнэ. Эрсдэлийн үнэлгээг дараах асуултанд хариулах маягаар хийж холбогдох дэмжлэгийг ажилтанд үзүүлнэ.

№	Асуулт	Хариулт	
		тийм	үгүй
I.	Орон нутгийн мэдээллийг цуглувулна.		
1	Тухайн хороо, сумын хэмжээнд КОВИД-19 цартахлын халдварт гарсан уу?		
2	Халдварт гарсан бол тархалтын тоо, хүн амын хэдэн хувь нь халдварт өртөөд байгаа?/бичих/	
3	Халдварын голомтууд яг аль хэсэгт байгаа вэ?/бичих/	
4	Халдварын тархалтыг зогсоохын тулд энэ хороо, сумын хэмжээнд ямар арга хэмжээ авч байгаа вэ?/бичих/	
5	Халдварыг илрүүлэх, хавьтагчдыг тогтоох ажил хэрхэн хийгдэж байна вэ?/бичих/	
6	Халдвартай нь тогтоогдсон болон сэжиглэгдсэн хүмүүсийг тусгаарлах, хөл хорионд оруулах ажил хэрхэн хийгдэж байна вэ?/бичих/	
7	Тухайн орон нутгийн иргэд, хүүхдэд энэ өвчнөөр өвчлөх, нас барах эрсдэл хэр өндөр байна вэ?		
II.	Хүүхдийн тусlamжийн утсанд ирсэн яаралтай хамгааллын үйлчилгээ шаардлагатай гэр булийн талаар дараах мэдээллийг цуглувулна.		
8	Тухайн гэр булийнхнээс КОВИД-19 вирусын халдварт авсан нь батлагдсан хүн байгаа юу?	тийм	үгүй
9	Гэрт нь халдварт авсан хүн байхгүй ч халдвартай хүнтэй хавьтальд орсон гэж сэжиглэгдсэн хүн байна уу?	тийм	үгүй
10	Орон нутгийн онцлог, гэр орны нөхцөл байдал нь хамгааллын арга хэмжээ авч хэрэгжүүлэхэд ямар бэрхшээл учруулж байна вэ?/бичих/	
11	Хүүхэд хамгаалал гэх мэт нийгмийн интервенцийн нь ажилтан, хүүхдүүд, гэр бүлд ямар эрсдэл авчрахаар байна вэ?/бичих/	
III.	Тээврийн хэрэгсэл, аюулгүй байдалтай холбоотой эрсдэлүүдийг судална.		
12	Ажилтнууд өөрийн хувийнхаа машинаар явж болох уу? Эсвэл байгууллагын унаагаар эрсдэлгүй, чөлөөтэй явж чадах уу? Зорчих, нэвтрэх зөвшөөрөл авах шаардлагатай юу?/бичих/	
13	Хамгааллын хувцас хэрэгсэл, ариун цэвэр эрүүл ахуйн хэрэгслээр хангагдаагүй үед ажилтан нь өндөр эрсдэлтэй газар очиж ажиллахгүй байх эрхтэй юу?/бичих/	

Боломжтой бол ажилтан болон үйлчлүүлэгчийн аюулгүй байдлыг хангах үүднээс үйлчилгээг аль болох хүнтэй уулзахгүйгээр хийх нь зүйтэй. Үүний тулд байгууллага нь дараах дэмжлэгийг үзүүлнэ. Үүнд:

- Технологийн ямар хэлбэрийг тухайн орон нутаг, тухайн нөхцөлд ашиглаж болохыг тогтоож холбогдох зардлыг хариуцах. Үүнд утасны нэгж, дата эрх аваход нь дэмжлэг үзүүлэх
- Интернет ашиглах боломжтой хүүхэд, гэр бүлтэй аль болохоор видео ярилцлага хийх.
- Ахнны ярилцлагын үед ямар хугацаанд буцаж холбогдох хүсэлтэй байгааг нь асуух
- Хөгжлийн бэрхшээлтэй хүүхэд, гэр бүлтэй хэрхэн харилцах аргыг сонгох
- Хэрэв хүүхдийг гэр бүлд нь үлдээсэн эсвэл түр хамгаалах, тусгаарлах үйлчилгээнээс буцаасан бол тухайн гэр бүлд хяналт тавих ажилд хэсгийн ахлагч, хэрвээ хэсгийн ахлагч хол амьдардаг бол хөршийг нь оролцуулахад анхаарч байгууллагынхаа болон тухайн кейсийг хариуцсан ажилтны утас, FB хаягийг солилцох
- Утсаар ярих
- Чат бичих
- Технологи ашиглах үедээ үйлчлүүлэгчийн мэдээллийн нууцыг алдахгүй байхад анхаарах.

-----oOo-----